

寸色正白神明君姓尤名大宇虛分從官十
一人從官各千乘萬騎治在絳彭宮靈氣鄉
流明里

癸丑江漢鄉觀道賢者神名彞初軒切長三
寸三分青黃白三色神明君姓刀名璜宇初

進從官十三人從官各千乘萬騎治在玄谷
下官靈生鄉彞明里

癸未呂威明極道賢者神名闡以恒切長二
寸三分青黃白三色神明君姓龍名綜宇玄

都從官十三人從官各千乘萬騎治在玄泉
官楊道鄉文明里

右二十四賢者六庚六辛六壬六癸主之

正一法文十籙召儀

卷之六

三十五

正一法文傳都功版儀

天師曰正一道士奉道有功應補治職隨功
舉遷不得勿妄極於陽平德業漸昇教化逾
博奉佩符籙晝夜勤修驅役吏兵拯救驗功
直心守法終始匪逾正念師尊歲寒無替而
鬼神畏敬人天信用堪為化首永世作師可
署都功宜傳道要

都功版文

某郡縣鄉里正一弟子王甲年若干歲若在
道即云某親宿命合道玄名契真稟性謙和
心通妙理遂能勿勤道業遐暢玄風教化有
功信誠無替實入神共許遠近咸聞德濟群
生功高衆首宜補陽平治門下大都功即須
親職千日之後世有忠良可宣化者自雲臺
治以下任便補受如法奉行

某國號某年太歲某月日於某郡縣鄉

里觀中白版係天師如千世孫某乙陸

穆靜曰陽平治都功版非天師之胤不

受所以云係天師若干世孫某姓當言

係天師王甲此師名

右版用銀木長九寸廣五寸分作七行未
書黃紋袋盛與治籙同處無銀木槐梓亦
得

某郡縣鄉里正一弟子王甲年若干歲墨辭
列稱積世奉道枯骨子孫佩帶治籙修行供
養相承不絕至于今日自蒙師真授道以來

晝夕勤勞專心一意實非怠慢宣揚教度亦
無替闕雖未能感徹幽明而功效薄彰遐邇

夙夜翹仰唯在於法願見成就賜授都功察
某心迹堪為師範宜補天師門下大都功板
署厥職自陽平治以下任意傳授後學賢良
如法施行

某國號某年太歲某月日於某郡縣鄉
里觀中白板係天師若干世某乙非天
師子孫云某治某乙

受都功辭文

某郡縣鄉里正一弟子王甲年若干歲叩頭
稽首具乞恩辭某入道多年佩法已久仰蒙
師老賜授要言修奉勤行不敢虧替教揚道
化救濟男女雖未廣周薄立功効陽平已下

並預受持恩度後昆流通道教都功厥職總統諸治不參此版便絕傳流則後學求真因循路斷法在招引道貴圓通思惟法師賜見成就謹辭

某國號某年太歲某月朔日子王甲稽

首奉辭請

某姓法師門下

刺側

某郡縣鄉里王甲年若干歲

右據王甲墨辭及某洞男女官保舉請臣求

受都功版署職某既奉道勤誠有心於法請

依科給授謹狀

白刺

今有某洞男女官保舉某郡縣鄉里王

甲年若干歲請臣求受都功版署職某

既奉道勤誠有心於法請依科給授受者

右具所受如前伏乞治中靈官吏兵考君君

吏一合考正其合法以不如未合法者即為

考正要合合法臣須特拜署臣某誠惶誠恐

死罪死罪稽首再拜請

考君

太歲某年某月朔日子臣姓某屬某州

縣官觀今於某郡縣鄉里中白刺

四君

泰玄都正一平炁係天師陽平治臣某甲稽

首再拜

上言謹按文書某郡縣鄉里王甲年若干歲

列狀請臣求受都功版署臣昨日子時白刺

今日今時當授報為拜章上聞恩惟

太上三天門下奉行文書事以時省理原赦

臣及甲千罪萬過乞下二十四治治中君將

吏兵士及天地日月山川河海區域神靈真

官一時鑒知某今日於某處奉受

天師門下大都功版署主統二十四治治中

仙官為後世作師某行道得道求仙得仙遊

行天下度人濟物輔助

帝王救療百姓皆今効驗恩惟

太上云云操謹為王甲拜上仙官君將吏

兵士授都功版署紙章一通上請

三天曹伏須告報臣某誠惶誠恐死罪死罪

稽首再拜以

聞

臣姓

太清云云依

太玄都律令

次弟子再拜迴禮十方各一拜次師復

鑪畢

經云不受都功版不得傳治與人如違七祖

被考於鄴山充填河之役九年見世有水火

之災慎之

正一法文傳都功版儀